

TUS KWS LEG HAUJ LWM NTHUAV QHIA RAW S CAIJ NYOOG



PIAV QHIA TXOG TXOJ HAUJ LWM

NTSIG TXOG RIFPC

Xab Pha Tsim Txoj Cai Tswj Xyuas Khoom Noj Hav Rhode Island (Rhode Island Food Policy Council, RIFPC) yog ib lub chaw ua hauj lwm ywj pheed uas sib koom tes ua ke thoob nplaws rau hauv xeev los txhawb kom muaj cov khoom noj txaus rau sawv daws, nkag mus yuav tau, tsis kim thiab zoo rau ib puag ncig. Peb muaj kev sib koom tes, txhim kho thiab ua cov hauj lwm uas zoo, thiab pab tswv yim rau txoj cai tswj xyuas khoom noj kom zoo. Peb npaj ua kom muaj kev ncaj ncees rau peb txoj hauj lwm, uas ntsig txog rau txhua feem kev tsim ua khoom noj – kev tsim ua, kev sau qoob loo, kev ntim hauv hnab, kev xa, kev noj, thiab kev tswj xyuas tej khoom uas lwj. Peb ua nrog pab pawg neeg tsawg, nqis tes ua kiag, sib koom tes nrog cov kws ua hauj lwm, koom ua tswv cuab hauv xab pha, thiab koom nrog ntau pua leej neeg uas muaj feem xyuam nrog thoob plaws hauv Xeev Ocean. Muaj cov ntaub ntawv qhia ntxiv txog RIFPC rau ntawm www.rifoodcouncil.org.

Xab Pha Tsim Txoj Cai Tswj Xyuas Khoom Noj Hav RI nrhiav ib tug neeg uas ua hauj lwm tsis puv sij hawm uas hu ua **Tus Kws Leg Hauj Lwm Nthuav Qhia Raws Caij Nyoo**. Lub hom phiaj ntawm lub luag hauj lwm rau tus neeg no yog:

- Mob siab pab txhawb rau cov neeg ua qoob loo uas tsis raug pab yav dhau los kom mus cuag tau cov kws pab qhia thiab cov khoos kas pab ntawm USDA
- Tsim kom cov neeg ua qoob loo uas tsis raug pab yav dhau los thiab USDA, RIFPC, Feem Pov Tswj Hav Rhode Island thiab cov chaw sib koom tes ua ke kom muaj kev sib raug zoo.
- Pab cov neeg ua qoob loo uas tsis raug pab yav dhau los hauv Rhode Island kom lawv txoj lag luam loj hlob, ruaj khov, thiab muaj peev xwm ua mus tau ntxiv

Tus neeg yuav los ua qib dej num no yuav yog:

- **Ib tug neeg qhia txog qhov khoos kas.** Ib tug neeg uas paub zoo txog txheej txheem sau ntaub ntawv thov nyiaj pab thiab thov cov nyiaj qiv txais rau tus neeg ua qoob loo.
- **Ib tug neeg sib txuas lus uas muaj lub siab dav thiab ruaj siab hlo.** Ib tug neeg uas muaj lub siab dav uas sib txuas lus zoo nrog sawv daws, xub mloog lwm tus hais, nug tej lus nug, thiab tham lus ncaj ncees thiab sau ntawv ncaj ncees.
- Ib tug tsim ua khoom noj. Ib tug neeg uas paub zoo txog fab kev cog qoob loo los sis tu tsiaj nyob hauv Rhode Island, tsis hais ua me los sis ua ntau.

TUS KWS LEG HAUJ LWM NTHUAV QHIA RAW S CAIJ NYOOG



PIAV QHIA TXOG TXOJ HAUJ LWM

- **Ib tug neeg uas nyiam tsim kev sib raug zoo.** Ib tug neeg uas muaj siab thiab qhib siab lug sib txuas lus nrog sawv daws, muaj peev xwm ntsib cov tib neeg sawv daws thiab sib tham nrog lawv tau zoo.
- **Ib tug neeg uas cev lus.** Ib tug neeg uas npaj cov rooj sib tham thiab sib txuas txhua kis rau ntawm qhov sib tham thiab cov neeg ua hauj lwm ua ke.

Tus kws leg hauj lwm yuav hais qhia ncaj qha mus rau Tus Thawj Coj ntawm Qhov Khoos Kas Saib Xyuas Kev Txhim Kho Kev Ua Lag Luam Tsim Ua Khoom Noj, saib xyuas cov rooj sib tham rau cov neeg ua hauj lwm txhua lub vij, sib txuas lus txhua lub vij nrog Tus Thawj Coj, thiab kuj sib txuas lus nrog cov neeg ua hauj lwm, cov tswv cuab hauv Xab Pha thiab cov neeg zej zos rau tes hauj lwm uas tshwj xeeb thiab. Tus kws leg hauj lwm yuav tuaj ntsib kiag cov neeg ua qoob loo thiab cov chaw sib koom tes ua ke, pab txhawb txhim kho thiab qhia tes hauj lwm pab ua txoj lag luam tsim qoob loo, thiab sib txuas lus mus rau RIFPC cov neeg lis hauj lwm.

Qib dej num uas ua hauj lwm tsis puv sij hawm no ces ib lub vij twg yuav ua hauj lwm 20-25 teev thiab tus nqi dag zog ib teev yog \$30. 1Hnub pib ua hauj lwm yog kwv yees tias yuav pib rau thaum Lub Kaum Ib Hlis 2024 kom mus txog rau thaum Lub Plaub Hlis 2025. Feem ntau yeej yuav yog tus kheej mus ua hauj lwm kiag, tab sis kuj muaj kev sib ntsib sib tham lus raws hauv xov tooj thiab. Lub luag hauj lwm ces yuav tau ntoj ncig mus saib cov teb thiab cov neeg cog qoob loo hauv Rhode Island tas li. Tus kws leg hauj lwm no nws yuav tau caij nws tus kheej lub tsheb ntoj ncig mus hauj lwm rau hauv lub xeev, ces mam li them nyiaj rov qab rau nws raws li qhov nws khiav kev mus tau pes tsawg mais kev raws li tsoom fwv tus nqi.

LUB LUAG HAUJ LWM

- Muab kev nthuav qhia rau cov neeg ua qoob loo uas tsis raug pab yav dhau los hauv Rhode Island los muab tej xov xwm ntsig txog cov khoos kas pab ntawm USDA, cov kws pab qhia ua qoob loo, thiab cov rooj sib sab laj thiab cov koom txoos qhia rau sawv daws paub
- Sib tham lus nrog cov neeg ua qoob loo uas tsis raug pab yav dhau los los mus txheeb xyuas tej teeb meem uas ua rau mus cuag tsis tau cov pab qhia thiab cov lag luam hauv tsoom fwv thiab hauv xeev, nrog rau txheeb xyuas feem xav kawm txog txoj lag luam ua qoob loo uas Tseem Ceeb
- Pab txhawb rau cov rooj sib sab laj thoob plaws rau hauv Rhode Island rau fab kev txhim kho txoj lag luam thiab feem xav kawm txog txoj lag luam ua qoob loo uas tseem ceeb raws li txheeb xyuas pom ntawd.

TUS KWS LEG HAUJ LWM NTHUAV QHIA RAW CAIJ NYOOG



PIAV QHIA TXOG TXOJ HAUJ LWM

- Sib txuas lus nrog cov chaw uas sib koom tes los muab kev nthuav qhia thiab cev lus rau hauv lub rooj sib sab laj rau cov neeg ua qoob loo
- Pab txhawb kev txhim kho ntxiv rau neeg ua qoob loo- uas tsi ntsees rau fab nyiaj txiag thiab kev pab qhia ua qoob loo thiab cov rooj sib sab laj
- Txhim kho kev sib txuas lus thiab cov tswv yim nthuav qhia uas ua kom nkag mus cuag tau cov kev pab txhawb no ncaj ncees
- Ua lwm txoj hauj lwm raws li tau thov txog los ntawm Tus Thawj Coj Saib Xyuas Kev Txhim Kho Kev Ua Lag Luam Tsim Ua Khoom Noj

YAM YUAV TSUM MUAJ

- Muaj kev swm zoo txog kev npaj, kev sau ntawv thov, los sis kev tswj xyuas cov nyiaj pab dawb los sis cov nyiaj qiv txais, tshwj xeeb mas yog tuaj ntawm USDA (FSA, NRCS, thiab lwm lub chaw tuaj) thiab lwm cov koom haum uas ntsig txog kev ua qoob loo
- Muaj kev paub zoo txog kev ua qoob loo los sis cog khoom qoob loo los sis muaj kev sib txuas ua ntej dhau los nrog feem ua qoob loo hauv zej zos hauv Rhode Island
- Ua hauj lwm thiab sib txuas lus tau kaj siab lug tau nrog cov tib neeg uas sib txawv, suav nrog muaj kev paub zoo nrog pej xeem, paub ua hauj lwm, thiab muaj kev nkag siab nrog sawv daws
- Paub siv Google Drive, Excel, MS Office Suite, Zoom, Basecamp, thiab lwm yam platforms/programs
- *Feem uas xav tau tshaj plaws:* Paub lus los sis tham lus tau zoo rau hom lus no: Lus Xabpeesniv, Lus Hmoob, Lus Kinyarwanda/Kirundi, los sis Lus Swahili
- *Feem uas xav tau:* Paub cev lus rau lub rooj sib sab laj los sis rooj sib tham
- Mob siab mloog lwm tus hais, paub hais lus thiab sau ntawv sib txuas lus tau zoo
- Tus kheej muaj peev xwm mus ntsib cov neeg muaj feem xyuam thooob plaws hauv xeev
- Kawm tag theem siab/GED, kawm tag ib nrab qib siab ua ntsig txog fab kev ua qoob loo, kev tswj hav zoov hav tsuag, los sis xav tau tshaj mas yog kawm tag fab kev ua lag luam los sis ua hauj lwm rau pej xeem sawv daws
- Muaj kev paub los sis paub zoo txog tej khoom noj rau hauv Rhode Island/ib cheeb tsam
- Muaj hnuv nyoog tsawg kawg 17 xyoo
- Yog Neeg Xam Xaj Meskas, Haiv Neeg Meskas, los sis Tus Neeg Uas Muaj Chaw Nyob Ruaj Khov

TUS KWS LEG HAUJ LWM NTHUAV QHIA RAW CAIJ NYOOG



PIAV QHIA TXOG TXOJ HAUJ LWM

- Txaus siab hlo cia Kuaj Xyuas Keeb Kwm Kev Ua Txhaum Cai Yav Dhau Los Hauv Lub Teb Chaws

Cov lus cim tseg: Peb xav kom cov neeg sau ntawv thov tuaj ntawd yog cov uas ntseeg tias lawv muaj peev xwm txaus thiab ua rau pom tau tias muaj lub peev xwm leg tau lub luag hauj lwm, tab txawm tias koj tsis muaj kev txawj/kev paub raws li txhua kis uas hais rau saum toj saud los xij.

Cov neeg uas xav sau ntawv thov ua qib dej num no ces yuav tsum xa ib tsab ntawv thiab xa tus kheej cov ntaub ntawv ntiag tug mus rau info@rifoodcouncil.org nrog lub ncauj lus **“Tus Kws Leg Hauj Lwm Nthuav Qhia Raws Caij Nyoo”**. Yog muaj ib tsab ntawv sau ua piv txwv los haj yam zoo, tab sis tsis tas muaj rau them no.